

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u vezi sa članom 31. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23) i Programa utroška budžetskih sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona za 2024. godinu, broj: 02-11-2256/24 od 02.02.2024. godine, na prijedlog Ministarstva za prostorno uređenje, promet i komunikacije i zaštitu okoline Vlada Zeničko-dobojskog kantona, na 31. sjednici, održanoj dana 14.06.2024. godine, d o n o s i

ODLUKU
o odobravanju sredstava za realizaciju kapitalnih projekata drugim nivoima vlasti
iz oblasti cestovne infrastrukture Zeničko-dobojskog kantona za 2024. godinu

Član 1.
(Predmet)

- (1) Odobravaju se sredstva za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona u ukupnom iznosu od 2.869.314,13 KM (slovima: dvamilionaosamstotimašezdesetdevethiljadatristotinečetnaest i 13/100 konvertibilnih maraka).
- (2) Odobrena sredstva odnose se na realizaciju sljedećih projekata, podijeljenih po LOT-ovima kako slijedi:

LOT-1: Rekonstrukcija i sanacija cestovne infrastrukture do značajnih turističkih mjesta na području ZE-DO kantona			
Rb	Općina / Grad	Naziv projekta	Odobreni iznos sredstava za sufinansiranje
	Olovo	Projekat rekonstrukcije lokalne saobraćajnice Olovo – Zeleni Vir, općina Olovo (faza II)	250.000,00 KM
	Kakanj	Rekonstrukcija ceste Vrheblje – Jehice, MZ Brnjic (dužine 800m)	169.261,50 KM
	Tešanj	Rekonstrukcija i sanacija saobraćajnice prema jezeru Jelen	250.081,55 KM
	Žepče	Rekonstrukcija i sanacija lokalnog puta u MZ Begov Han, općina Žepče (dionica: nastavak rekonstrukcije i sanacije puta prema Pepelarima	70.000,00 KM
	Breza	Sanacija dijela lokalnog puta Breza – Mahmutović Rijeka, naselje Orahovo	159.096,64 KM
	Usora	Rekonstrukcija i asfaltiranje makadamskog puta u Alibegovcima – put Švabulje općina Usora	45.595,27 KM
	Zavidovići	Sanacija kolovoza Podubravlje (Kamene kugle)	75.084,68 KM
	Zavidovići	Sanacija kolovoza Kamenica – Mašica	90.998,72 KM
	Vareš	Rekonstrukcija nekategorisanog puta Glavica - Skijarnica	105.905,82 KM
	Zenica	Sanacija i asfaltiranje lokalne ceste koja vodi do sportskog – rekreacionog turističkog područja Smetovi	403.975,82 KM

LOT-2: Povećanje sigurnosti kretanja pješaka u saobraćaju			
Rb	Općina / Grad	Naziv projekta	Odobreni iznos sredstava za sufinansiranje
1.	Breza	Sanacija i obnavljanje trotoara u centru grada	117.801,75 KM
2.	Doboj Jug	Izgradnja lijevog trotoara uz ulicu Bosanska u Matuzićima	29.369,48 KM
3.	Tešanj	Izgradnja trotoara Ćatin Greb – Kiseljak	70.000,00 KM

4.	Žepče	Izgradnja pješačkih površina ispred Osnovne škole Žepče	56.435,65 KM
5.	Tešanj	Izgradnja trotoara uz lokalnu cestu u Jelah polju	128.227,32 KM
6.	Maglaj	Izgradnja kružnog toka na spoju Viteška-Bosanska-Sarajevska	140.000,00 KM
7.	Zavidovići	Sanacija šetališta ispod hotela Kristal	103.732,07 KM
8.	Zenica	Izgradnja trotoara od kapije II Kantonalne bolnice prema Gradskom groblju Crkvice, dužine L=270,0 m	80.000,00 KM
9.	Vareš	Rekonstrukcija pješačke staze u MZ Dabrovine	95.099,00 KM
10.	Visoko	Izgradnja pješačkih staza (trotoara) na potezu industrijska zona Ozrakovići – Ulica Bosne Srebrene – ulica Kadije Uvejsa	100.000,00 KM
11.	Kakanj	Izgradnja trotoara uz RC-466 i RC-445	79.334,73 KM

LOT-3: Povećanje sigurnosti kretanja pješaka u saobraćaju			
Rb	Općina / Grad	Naziv projekta	Odobreni iznos sredstava za sufinansiranje
1.	Doboj Jug	Otklanjanje arhitektonskih barijera u Općini Doboj Jug	9.500,00 KM
2.	Maglaj	Uklanjanje arhitektonskih barijera u javnim ustanovama	80.000,00 KM
3.	Olovo	Otklanjanje arhitektonskih barijera na pješačkim stazama u urbanim zonama grada Olova sa ciljem poboljšanja mobilnosti invalidnih lica	21.440,13 KM
4.	Zavidovići	Uklanjanje arhitektonskih barijera s ciljem poboljšanja mobilnosti invalidnih lica u ulici Alije Izetbegovića, Mehmed paše Sokolovića, Safvet bega Bašagića i Gazi Husrev begova	21.017,88 KM
5.	Vareš	Otklanjanje arhitektonskih barijera za kretanje invalidnih lica u Varešu	7.356,12 KM
6.	Visoko	Otklanjanje arhitektonskih barijera kroz sanaciju trotoara u ulici Branilaca s ciljem poboljšanja mobilnosti invalidnih lica	100.000,00 KM
7.	Zenica	Otklanjanje arhitektonskih barijera s ciljem poboljšanja mobilnosti invalidnih lica	10.000,00 KM

- (3) Odobreni projekti realizovat će u skladu sa zaključenim ugovorima nakon provedenih odgovarajućih postupka javne nabavke, a sve u skladu i na način utvrđen Zakonom o javnim nabavkama BiH („Službeni glasnik BiH“ broj: 39/14 i 52/22).
- (4) U slučaju da je visina iznosa ukupnih nabavki iz člana. 1. stav (2) ove Odluke veća od odobrenog iznosa, općina odnosno grad preostali iznos finansira iz vlastitih sredstava.
- (5) U slučaju da je visina ukupnih nabavki iz člana. 1. stav (2) ove Odluke manja od odobrenog iznosa, za preostali neutrošeni iznos općina odnosno grad izvršit će povrat sredstava na račun Zeničko-dobojskog kantona.

Član 2.

(Ugovor o prenosu sredstava)

Ovlašćuje se direktor Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona da potpiše ugovore o prenosu sredstava sa gradovima i općinama na području Zeničko-dobojskog kantona, sa ciljem realizacije odobrenih sredstava iz člana 1. ove Odluke.

Član 3.

(Analitička konta)

- (1) Sredstva iz člana 1. ove Odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23) sa razdjela 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 615100, pozicija „Kapitalni transferi drugim nivoima vlasti”, izdaci iz Budžeta izvor 10.
- (2) Na osnovu ugovora o prenosu sredstava, odobrena sredstva iz ove Odlukom će se transferisati na račune općina i gradova.

Član 4.

(Provođenje Odluke)

Za provođenje ove Odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste, Ministarstvo finansija i općine i gradovi iz člana 1. Odluke, svako u okviru svoje nadležnosti.

Član 5.

(Izvještavanje)

- (1) Općine i gradovi dužni su izvijestiti Ministarstvo za prostorno uređenje, promet i komunikacije i zaštitu okoline – Kantonalnu direkciju za ceste o namjenskom utrošku sredstava, dostavljanjem kompletne dokumentacije o izvršenim nabavkama i realizovanim projektima navedenim u članu 1. ove Odluke (ugovori, privremene i konačne situacije, fakture i sl.) i dokazima o uplati sredstava dobavljačima.
- (2) U slučaju da se utvrdi nenamjenski utrošak sredstava Ministarstvo poduzet će zakonom predviđene mjere.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-11251/24

Datum, 14.06.2024. godine

Zenica

PREMIJER

Nezir Pivić

DOSTAVLJENO:

- 1x Ministarstvo za prostorno uređenje
promet i komunikacije i zaštitu okoline,
- 1x Kantonalna direkcija za ceste ,
- 1x Ministarstvo finansija,
- 1x Gradovi/Općine, putem Ministarstva,
- 1x „Službene novine Zeničko-dobojskog kantona“,
- 1 x a/a.